

山右石刻叢編

山右石刻叢編卷三

巡撫山西總督部郎兼都察院副都御史巡撫山西提督政務節制太原等處門前之碑

（附）

豆盧通等造象記

碑高二尺五寸五分寬二尺一寸七分二寸  
六行碑殘裂字數行數難稽今在平定州

大隋開皇元年四月八日禪師靜內□□襲師僧豐於珉山  
之所遂營<sub>下</sub>益□□人王眾敬衛曇儔李永仁張清王神和  
許洪儔張洪衛崇儔張轉勝等敬造鎮國王像雙丈八并四  
菩薩阿難迦葉□爲 皇帝臣僚百官邊地有形一時成佛  
大施主使持節定州諸軍事南陳郡開國公定州刺史豆盧  
通世子儁□

大齋主石艾縣司功張寶明爲亡父永熾母衛敬姿母衛光

明亡妻衛妙好妻善賢息元慕息愛慕嵩慕息彦岳明第虎  
明姪士昂姪孝昂明孫君楚合家等侍

深州司兵叅軍事當廣敬爲亡父母開菩薩眼目願見光明  
常爲像主

呂州霍邑縣儀同三司臨間鎮將劉□德 妻恒州茗邑縣  
君郎業□息君王□□

并州晉陽縣前石艾縣市令平州險慮開錄韓開 妻劉息  
君政兄弟六人等供

菩薩主張元伯爲亡父好仁母麻舍王伯妻宋婁光息永封  
息繼祖息李賈□阿

菩薩主張奴爲亡父好仁母□舍王奴妻□他女息阿漢息  
士漢息衛買

荊葉主王龔徧菩薩主□思清女菩薩主□女郎菩薩主任  
阿莫菩薩主□像□

大像主王徹寶菩薩主相里銀妃菩薩主王金娥菩薩主綾  
王肥菩薩主羣□

菩薩主衛世多爲亡父衛暉哲母王先妃侍佛張元伯妻衛  
妃妻王婉

菩薩主張繼伯爲亡父廻寶母古明日伯妻郭清女息猛女  
息猛祖息猛念息□

大像主衛士建大像主衛野□大像主衛貴寶佛堂主曹黃  
綾佛堂主姚定光

佛堂主趙羅莫佛堂主侯阿黑菩薩主董佖秩妻韓明容菩  
薩主□堇□

菩薩主趙妙妃唯那主曹黃綾菩薩主張□敬菩薩主郭□  
妻王相女

元起心像主衛天寶妻張玉息達多妻梁女圓相女惠梁女  
擢夷菩薩主董隨光

菩薩主王顗仲妻衛牀好息吳買妻張息篋□妻張息□隨  
妻陳玉葉

菩薩主衛堆妻吳洛好息祥意女果女万暉女□□菩薩  
主任王女

按石刻有大施主使持節定州諸軍事南陳郡開國公定  
州刺史豆盧通世子僧闕隋書豆盧通傳開皇初進爵南  
陳郡公尋徵入朝歲餘拜定州刺史轉相州刺史遷夏州  
總管洪州總管卒官碑所題官封與傳開皇初合又通傳

有子寬唐書宰相世系表同又碑刻有深州司兵參軍呂  
州霍邑縣儀同三司臨間鎮將云云太平寰宇記深州漢  
爲饒陽縣地屬涿郡後漢屬安平國桓帝以後爲博陵郡  
晉北齊同隋開皇十六年廢郡於饒陽縣置深州以州西  
故深城爲名大業二年州廢隋書地理志臨汾郡縣七霍  
邑開皇十六年置汾州十八年改爲呂州縣曰霍邑大業  
初州廢此所列有深州呂州則必開皇元年後有續刻者  
可知石見承天訪古詩通志金石記此刻僧下闕文以承  
天訪古詩注考之爲奴字

趙仁惠造像記

碑石據拓本量之高二尺五寸寬二尺一寸五分中鐫一  
龕高一尺寬八寸四分龕內刻兩佛一趺坐蓮臺一趺坐  
獸背龕下文十八行行九字龕右結銜四行行十一二  
字不等又刻一人拱立長二尺餘正書今在黎城縣

大隋開皇二年九月五日丙午朔

夫大覺無形應隨物感是以迦夷曜六口之儀菴羅闍隨類之唱故大睨恣臨客法俱顯但物感不長奄輝雙樹心軌陵鷗若非悟達⑤宗契能啓信佛弟子趙仁惠在鎮知趙方水⑤情廣遠心矜內廡得行冰潔志景三空心緣至覺今割減資糧敬造釋迦石像一區仰爲 皇帝陛下國祚永隆父母兄弟姊妹妻子眷屬平安早得相見又顛部內五百人法塚眾生俱登正覺

亳州前開府行衆軍募人營主

直盪心都督治儀同大將軍

募人心團南汾州下城防主

佛主弟子趙仁惠侍佛





法界衆生咸同思福 以上上列

大衆主□□□知 方相菩薩主□□□施 右相薩□□

□□□□之 大□□□□□□ 都唯□□□□ 都邑

主□□□之遵 都邑主□□□ 都邑主黃明朗 以上第二列

都邑主黃□ 邑子許子□ 邑子孟仕達 邑子 以上第三列

大金大定十九年歲次己亥五月重五日耿州在城邑人

史麟 宿緯 張信 何寬 楊偉 宿浦 馮松 強

宗 鄧宝 劉演 楊興 尉珍 馮奕 王辛 白宝

白用 高用 王松 晉道

按石刻大隋開皇二年又有心主徐州募人云云隋書地理志彭城郡舊置徐州後齊置東南道行臺後周立總管府開皇七年行臺廢大業四年府廢按徐州於大業三年

改彭城郡此刻在開皇初故得曰徐州此刻多磨泐後有  
金大定十九年史麟等刻文

張仲脩造像記

碑從裝本錄來尺寸行數無  
稽今在翼城縣北十方院

□太祖張□太祖張榜太叔祖榮太叔祖欽高祖天生南陽  
縣令河東郡守曾祖曾祖定席板授并州刺史曾伯祖伯成河  
內縣令曾叔祖龍虎西河郡守曾叔祖龍曾授高都郡守  
□門□子祖狐□驃騎將軍千人軍將板授幽州刺史叔祖  
萬光郡曾□□叔祖金光郡主簿叔祖神光郡中正伯父元  
和郡功曹伯父始和伯父令和父仲賢郡望正母□姿容母  
王含蘭息士仙息士恭息士字部郡從事息洪曾息士崇息  
珍玉息士興息女日暈字妻王薛妃義妻石歸香洪妻史公

主孫女目○孫女才端孫惺雄孫女貴端

父仲儔驃騎將軍□散大夫都督□□縣令母鄭敬姿息洪  
茂息顏茂洪妻王妻鄭妃茂妻王貴妃孫休□孫女□□  
孫女□□息□□鄭氏姑蘭英鄭氏姑海姿石氏姑□□王  
氏姑保敬王氏姑□□成息威德□□□□□息息  
唐朋成息□□威息隆□孫惠遷孫幼遷遷息長通□息□  
□成息明威威息黑兒孫元穆孫子玟孫子猷孫子文□息  
□□□□□孫洪稚孫洪仙孫洪寬成息稚興興息元世  
孫子趙孫子洪□□□席息□□石息伏買孫難施席息子  
路路息元明孫世儼孫遵茂孫方海龍息顯達息孟儔孫洪  
昕孫仲昕孫幼昕孫孝通龍息賣活息孟始孫士言烏龍息  
□□息儔賢息孟賢息幼賢孫洪淵孫士超孫崐崐

按碑刻張氏家世系有高祖天生南陽縣令河東郡守

闕

曾祖定虎板授并州刺史曾伯祖伯成河內縣令曾叔祖

龍虎西澗郡守曾叔祖龍

闕

板授高都郡守

下漫

祖狐

闕

驃騎將軍千人將軍板授幽州刺史叔祖萬光郡

闕

金光

郡主簿神光郡中正伯父元和郡功曹息士甯郡從事

父仲儻驃騎將軍

闕

散大夫都督縣令按西河河東二郡

並見隋書地理志魏書地形志建州高都郡永安中置太

平襄字記澤州北齊亦爲建州置長平高都二郡後周併

二郡爲高平郡則此云高都守者必齊以前官又魏書本

紀唐制八十以上板授刺史

見唐文並翰苑集

此碑所列幽并皆

大州齊隋任此者多宗王勳貴碑言板授者亦如唐制所

謂予以章服不泣官者也拓本紀年漫漶通志金石記載

此碑

像下卜記有日  
像主張仲修

日以開皇五年歲次乙巳四月丁亥

朔八日甲午弟子張士甯敬造卽碑云息士甯部郡從事

者

### 寶泰寺碑

石高二尺七寸五分廣二尺五分二十六行行三十一  
字碑額左偏題十三行行五字均正書今在黎城縣

尚書省使儀同三司潞州司馬東原郡開國公薛邕因檢郭

建欽王神通等立義門事恭敬侍佛日頌時雨溟濛香烟氛馥

天長地久春蘭秋菊

大浮圖主

李賈

妻申屠那肱

以上在碑額左偏

自天地開闢之荆幽明難測陰陽剖判之後世代可知莫不

逞壯氣而種□□高才而矜富貴爭利害於石火競功名

於風燭帝知榮華與屈相遷草萊及王□等趣金門貝闕詎

拯幽冥繯轂龍媒豈濟生死終是飛沈三界來往四輪以乾

□為可保之城謂火宅為有常之宅故天師出世聖教今流

瀛門閩八万四千□□通九十六種示諸魔於苦海導羣生

以福田歸依者得免樊籠迴向者便窮彼岸故襄垣罷守郭

然屯封陽曲建社太原上祖從官筵家此邑門有詰人德水

樹仙舟之異屯多奇士并州樹竹馬之期器宇凝邃風□道

舉比意氣於孤松類懷抱於蕙桂談議而對天子坐錄重席

畫奇以示將軍決勝千里被稱薑代見重當時本枝冠冕子

孫繁盛以四馳催運二鼠侵季歎華胥而代紅顏恨黃泉而

沈□□故率合鄉人共舩浮圖九級鎮此潞川在縣之東南

俯臨大道傍衝苞國祚□□城秦將定燕卒之癘炎帝獲嘉

禾之地值周并齊運像瀛沈淪舊塔崩頽劣有□迹大隋握

圖受命出

震

君臨屏蹕臺而

作

輪王救濁屯而居天位大開

⑤教□置伽藍太子買雜寶之花波斯刻真檀之像刈陵縣

政新經經義里郭伯琛者□之從子早彰奇骨即号神童幼

挺異才便稱水鏡義

治

骨肉化及弟兄六屯同

居

百有餘口

朝野貴其風範閭里慕其家瀾本圖曳尾⑥許濯纓咲敬

付

之言高

少

遊之願靈書

草

聖相伴於崑松濁酒焦琴共對於

明月豈望乘竹龍而

履

鳧鳥□玉膏而餌⑦霜將欲捨頭希

不懷之身施肉請無常之偈呂閩皇又季歲次鶉□與華川

鄉人李延壽及合縣羣英感

皇帝之恩超從之

迹

還於舊

所重營

九級

浮圖鰲向二周其功始就露盤承月寶鐸搖風

背朝市而遊士女庶使託爲謠

際

持作福因見者與見而消

殃禮者共禮而除鄣望

似

龍花寶塔⑧

隨

太

子之城雀離浮

圖豈逐天衣之頌曰

上元始判牀化初闢天傾地絕古往今來盛衰友謝生死相

催壹又惑難出三灾獨有詰人迴轂奇質生輕義重調高

才逸恩合春風愛均冬日早穡劫火燈燃闇室欲除習耶聊

積詣因迓羅寶剝塔寫金人時遭圯泰道遂崩淪所悲神匿

飄累風塵避屯之士連城之薜氣擁風雲性分金石長悲虛

幻迴歸利益欲述荆蹤還修故迹縣臨長路塔鎮平川風飄

蓋影雲曳香烟金剛永固妙瀟恆傳未知東海幾作桑田

佛弟子劉世達供養

枋黎城縣志寶泰寺在故縣村距城八里宋史地理志隆德府領縣黎城

中天聖三年徙治縣之東南白馬驛即今縣城立治之始

故縣在今縣西北八里由宋天聖三年上溯隋開皇十八

年改刈陵爲黎城凡四百二十七年再上溯後魏碑文被

大平真君十一年改路曰刈陵共五百七十五年



風雨剝落模糊難辨其略云邑人故襄垣郡守郭休隋開  
皇五年休之從子伯珠重修校郭休世封陽曲上祖從官  
遂家此邑其碑額橫書云尚書省使儀同三司潞州司馬  
東原郡開國公薛邈因檢郭建欽王神通立義門事云云  
殿門額道光乙巳知縣陳金鑑書寶泰寺三字後跋云寺  
有隋開皇五年間碑石所記乃邑人故襄垣郡守郭休造  
九級浮圖迄周兼齊運法象沈淪休之從子伯珠重建攷  
襄垣爲郡始於元魏廢於高齊魏書地形志襄垣郡建義  
元年置治襄垣城隋書地  
理志上黨郡襄垣舊置襄垣郡後齊郡廢則斯寺不特非隋並非高齊爲北魏  
寺明矣宋韓固法堂記謂寺爲隋建賜額寶泰者特未詳  
攷耳韓固宋至和二年黎  
城縣尉見慶安寺碑校薛邈所署官封隋書百官志  
高祖采後周之制置儀同三司爲散官在上儀同三司下

州置長史司馬又有國王郡王國公郡公縣公侯伯子男

凡九等開皇五年已在廢郡爲州之後而封則如故如建

平郡公于義宋安郡公元景山之類

見隋書本紀

是也

隋書百官志諸

王置國官有令大農尉典衛常侍侍郎等上柱國柱國公上大將軍大將軍公上開府開府公上儀同儀同公其國官視諸王遞次迎銜爲儀同三公按碑言世封陽曲建社太

司車原郡開國公正儀同公也原唐書宰相世系表郭氏出自姬姓周平王求號叔裔孫

序封於陽曲號曰郭公號謂之郭聲之轉也因以爲氏三

國志郭淮太原人封陽曲侯皆此碑之證後魏刈陵屬襄

垣郡碑所言潞川者卽漳水據縣志後魏置刈陵地形志

所載疆域則合今潞城之北境河南涉縣之西境爲一縣

地故碑文有秦將定燕

謂前秦王猛滅燕戰潞川

炎帝獲禾之侈其云

周并齊運像法沈淪者謂周武帝毀佛法也通志金石記

碑爲刈陵縣政新鄉郭伯琛

按縣志作伯琛今揭本作伯琛

與華川鄉李

延壽等爲故襄垣太守造浮圖立者以碑文攷之當作重

營浮圖立又金石記碑正書時雜篆隸開皇作閭皇校碑

多漫漶今據黎城續志所載碑文補其碑與志互異者仍

从碑碑見通志金石記

### 蘇遵造像記

座高二寸七分寬九寸二分十三行  
行三四字不等正書今在

大隋開皇七年六月甲辰朔二十九日壬申道民蘇遵敬造

先君一區上爲七世父母所生父母依緣眷屬一時成道

### 張村造像記

碑就拓本量之高一尺九寸九分寬一尺二寸九分上係  
佛龕下分五列第一列二十三行行九字下四列皆像主  
等名正書今在壺關縣

大隋開皇十三年歲次癸丑朔十月戊辰己卯日張村合邑  
義卅一人啓首

夫霽、顏寐、□□□自無窮像教住世靡形不表其德箇  
不測值之如焉能致興斯福□□□□□合邑義卅一人  
等敬造釋加像一堰其功始祀畫飭在嚴無方異現珍麗与  
賀平岳暈鬱赫洪与三光等耀<sub>寧</sub>不刊石存銘故流後軌菩  
薩之家許不獨顓国祚永隆後為七世父母正生父母回緣  
眷屬遍地眾生離苦喜樂居時成佛合邑義人等住居荒旱  
之地顓甘泉舉地而生<sub>首</sub>□相阿難主□當陽大像主張廣  
達侍佛時難<sub>下</sub>左相菩薩主李遵 左相加葉主張永貴

大齋主牛諍安妻闕敬資 副像主張伏榮 副齋主雲

嵩<sub>二層共七行</sub> 側皆有像主像 顓成記主術□賈 都邑主程顏貴

開佛光明主劉洪暈 穀頌□□□□ 都唯毗主張乾

都福德主郭惠

月

右相菩薩主程逢容

□□□□□□

三層

入行行側皆有像主像

邑子令孤明玉

邑子張樓

邑子□□□□

邑子雲難陀且唯仁

邑子馬□□

邑子郭惠明

邑

子張□□

邑子□□□□

四層入行行側皆有像主像

邑子□□□□

邑子□□□□

邑子張嘆夕

邑子呂明月

邑子渠問那

邑子張勝如

邑子牛磨□

邑子程國□

邑子張杜

□ 邑子樊□

闕

邑子趙□□

邑子秦□□

邑子

闕

邑子□清醜

邑子秦□□

邑子□貴□

邑子孫□

如 邑子張□□

邑子牛□姬

邑子□□□□

邑子張

卽□ 邑子田士林

五層

按壺關續志石分五層文刻首層存二十六行行七字首

行大隋字高二格書

文可辨者大隋開皇十五年歲次癸丑十月戊辰己卯日張村合邑義施

人敬造釋迦像一堵末云合義施人等

住居□旱之地願□泉干地而生云云第二層刻佛像七

區每區之旁皆有題字凡九行中題當陽大像主左題左

相阿難主菩薩主迦葉主等名右題大齋主副像主副齋

主等名第三層亦刻佛像七區題字九行為願成記主買

都邑主開佛光明主都福德主等名第四層題名八行與

第三層字相接為邑子等名第五層題名二十一行名皆

冠以邑子其碑陰刻妙法蓮華經普門品五百餘字

### 陳茂碑

碑高四尺六寸寬二尺二寸三分三十三行行七十六字正書今在臨晉縣東北二十里小嶺山

### 隋梁州刺史陳公碑

□□挺奇略於□□□高文於游夏芳徽盛範傳祀纂神基

○六奇定策○項寧漢德○○○兼著○○與太守功表  
折衝任居分○祖○○○遺公稟氣辰象降靈○○○  
五行之秀蘊六德之姿倚天照其降穎絕海振其羽翮識○  
○故大祖○文皇帝之○○也為大將軍陳○○譬○文  
之○○朝若晉室之蕃魏國望雲斯表佳氣○○○初  
公以賈誼登朝之歲終童奉使之年展采於監觴之辰効官  
於尺木之始○一心而事○○三分以成務遷振威將軍給  
事中○○○○刑獄仍為將軍府屬治內郎功預  
斷蠲勦宣汗馬○用○聞威風遠振封南皮縣男食邑二百  
戶○○為上柱國○國公涇州○○公○府有○○之化  
非無利器之能轉涇州總管府司錄遠將軍右○負外常  
侍皇上嗣○霸圖將興帝業昉○道○○○○上○○將

軍□□公公補府長史周武帝薄伐東秦席卷河北聲振□  
坂□勢超垓下既而流湯□□方盛引弓之補公衝冠之氣  
臨危奮發□□之誠造次先表每以身□執銳前驅上天縱  
雄傑英威□世補之□□下□□□□□□上□□□□  
師凱入授儀同三司上德映在田在□業□一□□□九命  
公亦追蹤□□絕□人補上為定州總管公任總管府司錄  
兼定州贊治上□□州總管府司錄上為上柱國公遷府長  
史補蚩尤之凶□□□東陵之盜謀為西楚之□肆彼逆□  
□郡邑刁斗相喧雲梯交映晉陽之師將沒疎勒之□□□  
公補之□心□□□□之□□□擊□之去□轟□冰泮掃地  
無遺□□遠降□蒙袞賞授驃騎將軍右光祿大夫□□之  
補大將軍上為大丞相隋王公除府掾治右十二府長史上



登庸伊始納麓在辰作□負圖□絕□□公之義既深推  
□之思斯重大□御宇惟新建國開皇元年授給事黃門侍  
郎□□日夕藝府□其年除右衛府長史進爵為□增邑  
六百戶通前一千四百戶出□上師□□軍容之盛公運  
籌幕府□和鼎實蹇□獻授□最□優二年授開府儀同三  
司領左舉□□□聲□□□□道□仰雄風之扇□  
□□受□設□之□周氏季公化以時雍布以輕典銜策  
斯舉韋弦遞用□□其亮□比屋傳其頌聲疆場乂安遐  
邇□福□□□之除給事黃門侍郎兼右衛府長史七年  
授兼太僕卿黃門侍郎如故九年正除太僕卿判黃門侍郎  
如故□□□□□□居授上開府儀同三司太僕卿  
判黃門侍郎如故軒遊□咸□飾□□比鄧隲□台□均□



中

其

深

月

4

伍



内

10

王

四

何□□政疑□□□之□以□□聲□傳□範方  
使乘田且變□□□<sub>、</sub>□陵谷推移尚紀滕嬰之□其

銘曰

□□□授賓王觀國丞相奇謀□<sub>盛</sub>慙妙□□□鬱  
抑下□沉吟□□綠鶴□□功叅後<sub>冠</sub>帶□□□□傳  
臨□□□□選良仁□□布<sub>遵</sub>教<sub>臨</sub>

按通志金石記梁州刺史陳茂碑開皇十四年正書篆額  
大隋上開府梁州刺史陳公碑集古錄陳茂碑不著撰人  
名氏而字畫精勁可喜隋書列傳載茂事尤多闕繆傳云  
高祖爲隋國公引爲寮佐及受禪拜給事黃門侍郎在官  
十餘年轉益州總管司馬遷太府卿後數載卒而碑歷敘  
爲高祖寮佐時官傳雖不書可也其自爲黃門侍郎後又

爲行軍元帥長孫覽司馬又爲蜀王府長史太僕卿黃門  
侍郎上開府儀同三司梁州刺史等官皆不書蓋其闕也  
又據碑茂爲蜀王府長史而傳云爲益州總管司馬碑爲  
太僕卿而傳云太府皆史家之繆也茂字延茂史亦闕覽  
今搨本過殘闕据金石萃編本亦無爲行軍元帥長孫校  
司馬蜀王府長史及梁州刺史文隋書長孫覽傳開皇元  
年徵爲東南道行軍元帥統八總管出壽陽會陳宣帝卒  
而還碑自開皇元年授給事黃門侍郎其年除右衛長史  
下多闕金石萃編有云軍容之盛運籌幕府者當卽指爲  
長孫覽司馬事其云化以時雍疆場乂安者當卽指爲蜀  
王府長史事又自九年除太僕卿判黃門侍郎授上開府  
儀同三司下亦有闕文其云下車爲政者卽指爲梁刺史

隋書陳茂傳河東猗氏人家世寒微質直恭謹爲州里所敬高祖爲隋國公引爲寮佐遇待與圓通等

李圓通

每令典

家事後從高祖與齊師戰於晉州其後官至上士高祖爲丞相委以心膂及受禪拜給事黃門侍郎封魏城縣男每典機密在官十餘年轉益州總管司馬遷太府卿進爵爲伯後數載卒官據傳則轉益州司馬在爲黃門侍郎十餘年後而碑進爵爲關在開皇元年碑封南皮而傳曰魏城皆可據碑補史金石萃編按集古錄茂字延茂今碑拓已泐此四字但據額題梁州使君陳公文中敘官位事蹟與隋書陳茂傳合知其爲陳茂碑也碑云太祖文皇帝是指周太祖又云公以賈誼登朝之歲終軍奉使之年展采於濫觴之辰効官於尺木之始是茂從隋高祖入仕周太祖

之始年甫二十也傳稱高祖爲隋國公引爲寮佐是指隋  
高祖高祖之父忠佐周爲柱國隋國公以周武帝天和三  
年薨高祖乃襲爵碑云皇上嗣霸圖云云卽此時也碑又  
云周武帝薄伐東秦席捲河北隋高祖紀云建德中率水  
軍三萬破齊師於河橋明年從帝平齊進位柱國周武帝  
紀云建德四年七月詔伐齊隋國公楊堅廣甯公薛迴舟  
師三萬自渭入河九月班師五年十月帝總戎東伐獻俘  
傳云從高祖與齊師戰於晉州賊甚盛高祖挑戰茂固止  
高祖拔刀斫其額詞氣不撓高祖厚加敬禮其後官至上  
士卽碑所云公衝冠之氣臨危奮發也周武帝紀云建德  
六年二月高潛冀擁兵未下遣上柱國齊王憲上柱國  
隋公楊堅率軍討平之隋高祖紀云從宇文憲破齊任城

王高潛於冀州除定州總管卽碑云上爲定州總管公任  
總管府司錄兼定州贊治也高祖紀云尋轉亳州總管卽  
碑云上爲定總管公除總管府司錄也高祖紀云宣帝卽  
位以后父徵拜上柱國大司馬周宣帝紀云宣政元年六  
月卽位立妃楊氏爲皇后七月以柱國南兗州總管楊堅  
爲上柱國大司馬卽碑云上爲上柱國公遷府長史也高  
祖紀云靜帝幼沖未能親理政事以高祖皇后之父眾望  
所歸拜高祖假黃鉞左大丞相百官總已而聽焉周靜帝  
紀云大象二年五月上柱國揚州總管隋國公爲左大丞  
相十二月進爵爲王以二十郡爲隋國傳云高祖爲丞相  
委以心膂卽碑云上爲大丞相隋王公除府掾治十二府  
長史也周靜帝紀云大定元年二月隋王堅稱尊號帝遜

於別宮高祖紀云開皇元年二月上自相府入宮卽皇帝位傳云高祖受禪拜給事黃門侍郎封魏城縣男每典機密在官十餘年轉益州總管司馬遷太府卿進爵子後數載卒於官證之以碑同異互見而攷之高祖紀竟無一語及茂者碑又云委質皇家卅餘載蓋自二十歲入仕至卒年六十一正四十餘年也碑泐其薨年月日以茂入仕之年二十薨年六十一計之碑有太祖文皇帝爲大將軍云云攷周太祖之爲大將軍在魏孝武永熙三年碑似指茂初生之時下缺四十餘字當是敘茂少年時事則茂當生於永熙三年甲寅薨於隋開皇十四年甲寅也卽以其年歸葬碑當立於是年猗氏縣隋地理志屬蒲州碑泐蒲字按金石錄隋梁州刺史陳茂碑開皇十八年十一月此碑



以開皇十八年立之證萃編未覈也碑見金石萃編通志  
金石記

申穆墓志

石高廣皆一尺四寸三分二十  
行行二十字分書今在潞城縣

君諱穆字顯和上黨壺關人也其先□帝之遠胄申伯之苗  
裔賜姓命氏丹誥播其遺芳建國受茅分□飾昭青史茂葉  
脩柯衣纓弈世子龍道貫幽顯左□勒其至仁嘉狄抗節周  
餘斂青重其高尚十世祖□魏青龍初莅上黨郡守因即家  
焉曾祖膺後魏□□四年禮及懸車詔授潞縣令祖瓚太延  
□年州辟□□父琛有惠有義鄉黨欽其至誠好仁好士郡  
國□□□□神龜初郡辟主簿君幼如好學執禮尊仁□術  
該通七□□舉在手□已先人事君見□投命齊天保初大

閱文武言序庶官以口氣敢過口起家拜別簡都督董帥猗  
虎積履戎場樹德崇勲授趙郡太守未及四履之年遂離辰  
巳之歲齊大寧二年卒於第春秋五十有三大隋仁壽元年  
歲次辛酉十一月四日甲申與夫人李氏合塋於壺關城北  
三十里三垂山之東麓九局掩鎗孤月燥照於高墳碑上金  
生楊風告哀於地堪將恐嵩山鳴鳳逐王晉如不歸犬嘯雲  
中隨劉安而忘反乃爲銘曰

感惠常羊道成口水得姓冀殷功高四履爰暨中葉啓土于  
申三桀高尚青史稱仁至人餘風世傳纓組唯君沖粹經文  
緯武碑上金生龍懸孤月犬逐霞潛鳳隨雲投

按潞城縣志石於嘉靖年出土通志金石記誌稱其十世  
祖以魏青龍莅上黨守因卽家焉曾祖鵬

疑鵬之別字後魏闕

四年禮及縣車詔授潞縣令可徵此縣申氏占籍之古太守以齊武成大甯二年壬午卒至隋仁壽元年辛酉歷四十年始克葬大甯二年四月改元河清則卒於是年春上節錄金石記按所載年號青龍爲魏明帝年太延者元魏太武帝年神龜者北魏孝明帝年天保者北齊文宣帝高洋年誌云與夫人李氏合葬於壺關城北三十里三垂山之東麓今揭本垂字漫漶據通志金石記補三垂山卽三垂崗處見通鑑

### 舍利塔銘

石高廣皆一尺五寸三分十一行行十二字分書今在長治縣

維大隋仁壽二年歲次壬戌四月戊申朔八日乙卯 皇帝普爲一切法界幽顯生靈謹於潞州壺關縣梵境寺奉安

舍利敬造靈塔頌 太祖武元皇帝 元明皇太后 皇帝  
皇后皇太子諸王子孫等并內外羣官爰及民庶六道三塗  
人非人等生生世世值佛聞法永離苦因同昇妙果

大隋 皇帝 舍利寶塔下銘

按通志金石記碑與金石萃編所錄仁壽二年舍利塔銘  
爲一事而文則錄敕誥又與所錄仁壽元年同州益都兩  
塔銘同其大隋皇帝九字他碑在文前此小書於後爲異  
按此與唐潞州司馬戴安業舍利塔碑同時出土隋文帝  
以周毀教像而已代之故崇釋視歷朝爲甚碑云願皇帝  
皇后太子諸王等永離苦因同昇妙果而自獨孤后外餘  
皆不克令終媚佛究何益哉碑見通志金石記

康僧賢造像記

碑刻四面高一尺七寸廣七寸正面分三列上二列佛龕龕旁均有像主題名下列記文十三行行七字陰面分三列上二列像龕旁亦有題名下列題像主名十二行左右兩側分三列上列唯左側有題名三列各二龕下列左右側三行右側四行均正書今藏馬家鼎家

唯大隨仁壽三年歲次癸亥六月辛未朔九日己仰清信佛弟子力顯資減削家資為亡息生遠亡女伯女已女進疊牧造石衆一區伏為 皇帝口下七世姑婢既生父母合家大小因緣眷屬俱登正覺 以上正面下列

上堪主平陽縣令庾僧賢都口主康子恭為息羅亡孫漢則以上正面左邊

都邑主康稷為亡父母息世拉孫子呂才姪女羅仁 以上正面右邊

碑陰

此面佐相菩薩主范吳招为巳父及見存母

以上上列左邊

此面供養主原高明为巳父母

此面上炊主清信康□貴为巳夫及巳男女

當陽主女親姿为巳父□外世裴苗胡一心侍佛

以上次列

左邊

都邑主王昌为父母

此面供養主余測为巳父母息覲郎息四郎

此面下堪右相薩陪主楊豈英为巳女

以上次列右邊

此面菩薩康野彰为巳父母

此面佐相阿難主王長頃

此面佐相加業主力子昌朱張

此面化主王長半葦力为巳父康景發婁力玉□奴末貫外

生行

此面下堪主力顯發与巳父大婦行麥英次婦席玉蘭次婦  
行英玉次婦孫像嚴孫女續香康羅婦張買

以上下列

左側

東面上堪主富二東紹賢妻李阿三子为巳父母息保惠孫

子張顯孫女那

以上上列

大息子袖子情留生子父小尚父廓孫馬俱土開世開孫女

馬嫌球子恒燕兔香

以上下列

右側

面面上坎當陽主床永貴兒僧保巳兒顯樹妻楊阿清为姑

姊妹玉溪外生金拓

面面蔭陸主行誓为巳父母

面面下堪主原李茂为巨父一心侍

以上在下列

校碑正面刻惟大隋仁壽三年六月云云至孫女羅仁其碑陰碑之右側均刻有字惟碑題隋仁壽而有上堪主平陽縣令康僧賢按隋書地理志開皇元年改平陽縣爲平河縣三年改爲臨汾縣此碑仍題平陽則非隋官可知以隋國姓音故定陽平陽陽曲皆改之隋不得有平陽縣令也

### 洛陰脩寺碑

碑高三尺四寸廣二尺二寸二十三行行四十三字分書今在陽曲縣羅陰村

惟夫真途寤著邈矣難知正道恢彤遐焉叵惻於是耆闍山內口真趣以現金軀菴羅樹下顯弗妄以成匪口口迷曉或遷陟羣生自覺人闡明內外斯乃隨益應機遂請開化抑揚口頓口見生死故能縱自在於方丈之中納瀆弥芥子之內



現相於舍城遺光於漢境牧獮黎之耀於四方散如意之輝  
以東照此乃思其妙旨番經草室想其容艷畫像天宮導引  
羣耶誘歸正路餽使飲瓊漿之輩捨貪慾之河餐玉屑之  
□附著之□至於雪山羅漢驚嶺名僧變化道門神通法味  
或有負杓騰虛之功杖鉞超空之力多陳少說之□小□大  
實之方雖復別道殊途莫不歸於不二盡是慈悲世界惠念  
闊浮心命三受合<sup>①</sup>四□我 皇帝懷大寶而懸金鏡握瓊  
室以卽玉升念□罷網好生惡殺每以法海存意常以舟航  
掛心上柱國并州總管漢 王諒世載兩曜之明家隆二儀  
之□健杜汾洮分命鼎部奉天心而覃百姓承帝意以字四  
民洛陰府驃騎將軍開府儀同三司趙達□神恢廓武略縱  
橫六鈞非擬七札無辟車騎將軍儀同三司王勣氣逸雲霄

惟才武略五勝在躬六奇匡國汾陽縣□胡憬器範淹凝風  
頭清舉□□閑旌割享不啻當斯繁宰□孫孝敏尉□師才  
尉吳□等並珪璋特達黼藻紛紜觀國賓主分符贊務片言  
斷獄膚受不行鏡朗冰清金聲玉潤合府文武諸官等不識  
十善開明六趣專心佛剎固意崇□□□件諸公等並夙殖  
善根果聞法教同奉一人之勅 遵三寶之□□上當縣伽  
藍一□在洛陰城內其□寺也起□舊□新於隋盛本初立  
意□□洛陰府官并鄉義人等皆並聽法鼓之振□□意  
□□竦心般若之場刻念菩提之域同捨危脆之寶共納無  
虧之藏敬造斯館於勝田晉北代南正當琬□之所□城□  
水實等祗園之地南西兩峪觀重驛如往來北東二嶺每截  
雲以□漢□其堂宇重構弊日虧光廡閣連甍寒霞□耀七

珠像殿全□帝□之宮千葉寶花真等□天之室神香暫舉  
死者聞如□甍輪相纒轉生者覩如悟道今皇祚尅隆□命  
惟永正是遵帝道於昌運□法雨於□□良田不□□施  
□□言善業不亡金粟久證斯語縱令芬城有盡此福無  
窮石拂可銷□□弥固然寒暑交□春秋運轉竹帛易朽琨  
玉難銘聊□□題其頌曰

幽微冥辯浩曠難別斂躬二尋散身千剎世□□遭唯尊特  
桀隨意自在任情獨抵斷塞耶途開通□路導或除疑誘迷  
返寤啓析□乘終歸一趣□□施弘恩廣□開天□地自  
古須 皇周禪寶篋隨受金箱化倖後舜德邁前唐帝子分  
命晉□封王百里奉詔二翼離穆開府敬僧儀同念□豪望  
影□□□□捨珍施寶共□斯福揆辰擇土癸日取正修

故□新宮宇轉成模相合體光明等聖神□□生死□醒  
正覺□柱釋種□師護保戒□守法弗虧大興年祚 皇道  
無為□□万劫匪罄二儀

寺主□□儀同三司劉高遼郡□和□□

棧通志金石記洛陰修寺碑仁壽中車騎將軍王整立在  
陽曲縣城東北七十里洛陰城魏地形志陽曲有羅陰城  
卽水經注洛陰水所經也隋爲洛陰府置屯戍之地唐分  
置羅陰縣後省按水經注汾水又南出山東南流洛陰水  
注之水出新興郡西流經洛陰城北隋洛陰府當置此碑  
有上柱國并州總管漢王諒建社汾洮云云隋書庶人諒  
傳字德章一名傑開皇九年立爲漢王十二年爲雍州牧  
加上柱國右衛大將軍十七年出爲并州總管自山以東

至於滄海距黃河五十二州盡隸焉高祖崩徵之不赴發  
兵反煬帝紀仁壽四年八月并州總管漢王諒舉兵反詔  
楊素討平之碑言上柱國并州總管與史合碑又有洛陰  
府驃騎將軍開府儀同三司趙達車騎將軍儀同三司王  
愬皆可爲考晉文獻之助又有汾陽縣闕胡憬孫孝敏尉  
師才尉吳闕並珪璋特達觀國賓主分符贊務片言斷  
獄膚受不行皆縣之令佐又北周毀像寺隋文帝復崇佛  
法故修寺者特多如此碑及黎城寶泰寺碑皆其證也按  
隋仿周府兵之制置諸府百官志左右衛各統親衛置開  
府府置開府二人又有儀同府驃騎將軍開府儀同三司  
正四品上階煬帝改驃騎爲鷹揚郎將正五品車騎爲鷹  
揚副郎將從五品此碑立高祖時故曰驃騎車騎

栖巖寺舍利塔碑

碑連額高六尺五寸廣一尺八寸八分三十五行  
行七十字正書額題十六字篆書今在永濟縣

大隋河東郡首山栖巖道場舍利塔之碑

司瀆書佐會稽賀德仁奉 教撰

蓋聞在天成象玉衡齊於七政在地成形金匱開於四瀆大  
造區夏弘濟黎元功格二儀事絕三界豈若鷲山凝寂神智  
所以經行龍華嚴淨靈覺所以宴坐青蓮耀彩普明非想之  
外白豪發輝遍照無色之表然則重華文命德冠百王迦牟  
逸多道超千佛真俗冥感機理玄應護持世界汲引群生咸  
悟苦空皆臻常樂既而口尸宵眇久滅度於閻浮翹末豔桓  
尚凝神於兜率去聖滋遠思聖滋深慧炬韜光慈燈掩色三  
途黑暗溷沒煩惱之河六趣昏迷沈淪愛欲之海津梁靡託

彼岸奚異貝多傳于半偈枰檀寫于滿月馬鳴繼其絕組龍  
樹緝其頽綱重蔭灑雲更垂甘露化方東漸道向南流星精  
辯於劫灰日光通於神夢尔乃像教鬱興支提競起大乘妙  
典踰天山而遠度高行名□望帝京而遙集栖巖道場者魏  
永熙之季大隋太祖武元皇帝之所建立于時得一未清初  
九勿用褰帷蒲坂乃期祗園基趾首陽夷齊乘節之地登臨  
嬌嬈娥英降嬪之所加以接連關陝密迹杓榆候柱史之玄  
風仰春陵之佳氣南望華嶽峩峩高掌北眺龍門茫茫遠跡  
西抵秦渭鷄首撫其分野東拒晉汾馬頰通其䟽導斯寔山  
川之爽塏華夏之壯麗者歟於是審曲面勢占星揆日懸水  
置槩䟽山抗殿蓮峯翠微映花臺而秀峙松磴森聳對香閣  
而交廡瀟侶凝粹梵音清遠還如鹿野之間更似魚山之側

何則時有否泰道或汗隆周氏季末憲章版蕩毀瀆甚於坑  
焚銷像深於炮烙三川並震預覩橫流之徵九鼎俱沉先見  
群飛之兆殷憂啟聖天祚明德烟雲變彩鍾石革音誥誓起  
於鳴條謳歌歸于景亳

高祖文皇帝撥亂反正膺錄受圖作樂制禮移風易俗懸玉  
鏡而臨寓內轉金輪而御天下監周室之顛覆拯釋門之塗  
炭爰發綸言興復像瀟渥澤雷震渙汗風行圓光炳於竒特  
□等開於秘藏神俾慶幸幢蓋浮空人屯歡娛幡繒溢陌遐  
迹提福幽明響應天不愛道地必程祥膏露飄零醴泉騰涌  
史豈絕書府無虛日斯乃太平之嘉瑞方符出屯之休徵至  
於佛入涅槃遺形舍利八國應供六度所薰邁優曇之希有  
甚河清之罕值 聖朝德教弘道威刑護瀛超踰俾豫冠絕



波斯①化冥通精靈顯出爰自丹青之頂灑于紫庭之上若  
飄冬霰似雨天花三事大夫抗表儼蹈七神佐命安歌踊躍  
粵以仁壽元季歲次辛酉爰興 睿想乃發璽詰分布舍利  
於八十州剋十月十五日同時造塔 詔旨以斯福地 太  
祖善基標陽宮寢永絕愛敬畢陌園陵空纏哀感嚴飾淨土  
冥資 清庶乃命有司於此建塔使星炳于天漢靈宇構於  
巖阿邦君與邑宰交馳緇衣與黃冠競集百工咸事庶民子  
來以九月廿日規模曁立之所忽聞鍾鼓之聲至十月十一  
日將入金函影若香爐凌空而上繞浮圖寶瓶復起紫焰皆  
作蓮華還成佛像到十四日夜光出塔上流照山頂時如貝  
闕乍似銀臺傾城縱觀連鑣接軫歌舞咸作笙鏞並奏照爛  
掩于星辰砰鏘振於陵谷爭投鏐銑競捨琨瑤疑覩海藏之

珍若翫河宗之寶俄而日宮（弘）敞貝相澄明神女塗香天人  
獻石珠璣璫粲丹青彪炳剡風凌霄共陽烏而矯翼燭龍耀  
影與陰兔而爭輝以多寶之涌出等育王之靈化放光動于  
灋界神功遍于剡土豈如秦皇慕道虛架橫海之橋漢帝尋  
真徒設通天之觀初 高祖炳靈畧曜載誕馮翊渚浮虹氣  
室照神光忽有天女飄然來降現尼形像自号智儔容儀姝  
妙音詞清雅擎跣沐浴摩頂讚嘆謂 元明太后曰此子天  
挺脊哲相貌端嚴方當平一區寓光隆佛教宜簡擇保姆之  
才鞠養於清淨之室言畢不見莫知所之及雄圖蓋奩遂興  
王業神母記別信而有徵洎將昇鼎湖言違震旦垂拱紫極  
遺愛蒼生乃召匠人鑄等身像并圖儔尼置于 帝側是用  
紹隆三寶頒諸四方欲令率土之上皆瞻日角普天之下咸

識龍顏以仁壽四季歲在甲子發自鎬京降臨河曲風伯前  
駢兩師清道紺馬逐日玉女焚香若昇兜率之宮如上須弥  
之座尋而洮頽大漸厭世登遐故知聖智見機冥兆先覺昔  
者灋王將逝化佛遍於花臺金棺既掩見影留於石室以茲  
方古異世同符

皇上欽明續歷重光紹祚道洽百神智周萬物定鼎卜世永  
固洪基測圭建都乃均職貢巡遊河洛式遵玄扈之儀登降  
云亭方具介福之禮垂旒淵默負宸兢莊高詠薰風光顯慧  
日弘宣二相之業揔持三乘之教配天配帝盡孝敬於郊  
禋依佛依經乃莊嚴於塔廟巍巍乎其有成功也蕩蕩乎民  
無能名焉若夫妬路弘通寔資演說伽藍崇建乃發至誠寫  
器傳燈抑允多聞之藏聚沙布金方求無上之道 太祖爰

初締構深屬網維高選名德為其軌範時有僧融漢師明達  
禪師智刃鋒穎戒珠圓潔律儀動衆梵行普聞慕雪嶺之投  
身企香城之灑血夙興夜寐輟寢忘餐親執縮版躬營塗墍  
梓匠遵其規艘繪事稟其雕鏤勞役身心亟移灰琯雖祇陋  
之扞門地迦葉之捷塔泥洳以精勤曾何等級是故禪龕義  
窟歟息薰心冬室夏堂避寒清暑五時敷演四事豐盈振錫  
爭趨持瓶揔萃飛流穴石澄八解之水驚颿動樹吐七覺之  
花乃□歡喜之園（字）殊安養之國況復蒲城奧區寔惟形勝  
冠盖□合車馬川流聽濤之侶如林獻供之徒成市登彼靈  
山似遊崑閬臨斯德水若映熙連豁尔發矇俄然悟道上震  
有頂梵□敞於天宮下救無間魔王開於地獄江海為量何  
以測其淺深草木為籌不足知其邊際河東太守正議大夫

陳公寶慶 武元皇帝之外孫上柱國陳懿公之中子枝連  
若木流派天潢祚土承家分珪方岳西都外戚之重東京元  
舅之貴□侯之膺必復山河之誓無泯寄隆藩屏任屬股肱  
比屋被其春風連城仰其冬日瞻訟舍棠歸依道樹宣條駢  
傳頌仰瀟輪□□徐敏恭司功韓仁迪司戶姬君觀司倉  
鄭希玄司瀆韋修已等躬詣求瘼匡贊共治連璧擅其清風  
懸揭馳其美譽經始淨業邇向瀟門昔大夫吉甫尚箸雅什  
長者寶積猶陳妙偈□太守弘道式樹豐碑爰命末僚乃作  
頌曰

編尋圖緯歷選皇王補天立極括地開壘崇德齊禮正位辯  
方寧祛有漏孰悟無常如來應跡誕生迦衛乘月降神寶星  
興在太極五濁闡揚四締斷絕蓋纏薰修福慧 太祖歷試

建旗作牧王淵潛龍朱軒駟應陟彼陵昇翫茲川谷乃立精  
舍方興版築靈岳鬱盤王城聳峙迥眺少室遙臨太史京都  
襟帶山河表裏鷄嶺可模鶴林斯擬周德云季鼎祚方移崇  
信調達欽尚流離湮毀金地枯涸寶池民號鬼哭川竭巖隳  
赫矣高祖勃焉革命就日合明則天齊聖中興王道深入  
淳性調御淳和汲引樂淨佛身舍利帝儀靈爽八彩充華  
五色炫晃合寶為塔鎔金成像十方迴向兆民瞻仰上聖  
承歷下武繼文鳳翔江漢龍飛滄汾龍姬項孕育唐勛流  
布灋雨輝映慈雲柰苑洞開菴園弘敞風和寶鐸露光  
道界金繩庭懸珠網谷虛磬徹巖幽梵響荷敷開士弘闡玄  
宗美哉邦守翼讚時雍言遵衛鼎式刊圓石永樹  
高峯

校碑題司法書佐賀德仁奉教撰金石錄第五百十三隋  
棲巖道場舍利塔碑仁壽二年通志金石記蒲州府志棲  
巖寺在府東南二十五里隋文帝常以外國瑪瑙蓋施爲  
供有隋棲巖道場舍利塔碑爲賀德仁書碑石已裂文字  
尚完好

金石記當與潞州梵  
境寺碑同一時事

碑云棲巖道場者魏永熙之

季大隋武元皇帝之所建周書楊忠傳宏農華陰人年十  
八客游泰山陷梁五年從北海王顥入洛顥敗爾朱度律  
召爲帳下統軍爾朱兆入洛賜爵昌縣伯拜都督從獨孤  
信破梁下滎戍平南陽並有功及齊神武舉兵內侮忠時  
隨信在洛遂從魏孝武西遷仍從平瀍關破回洛城除安  
西將軍校永熙魏孝武帝紀年此忠建寺在仕魏孝武時  
之證隋書高祖紀開皇元年二月乙丑追尊皇考爲武元

皇帝廟號太祖皇妣爲元明皇后碑題河東首山又云攀  
帷蒲坂登臨瀉汭接連關陝密邇枌榆南望華岳北眺龍  
門西抵秦渭東拒晉汾四境秩然爲今蒲州府地按隋書  
地理志河東郡後周曰蒲州統縣河東舊曰蒲坂縣置河  
東郡開皇初郡廢十六年置河東縣大業初置河東郡并  
蒲坂入有首山瀉汭水並與碑合河東郡爲大業初復則  
仁壽二年無此郡也漢書武帝紀元封六年春作首山宮  
三月幸河東文穎曰首山在河東蒲坂界水經注雷首山  
臨大河北去蒲坂三十里一名獨頭山夷齊所隱河東首  
山卽雷首山非孟津以南之首陽山也淮南子隆形訓高  
誘注首山在蒲坂縣河曲之中夷齊所隱高祖宏農華陰  
人生於馮翊故云密邇枌榆也碑云周氏季末憲章板蕩



毀法甚於坑焚銷像深於炮烙周書武帝紀建德三年五月景子初斷佛道二教經像悉毀並令還民并禁諸淫祀禮典所不載者盡除之

碑又有三川並震云云指謂北周毀像卽亡此崇佛者云爾碑

云高祖文皇帝撥亂反正膺籙受圖監周室之顛覆拯釋門之塗炭通鑑陳紀太建十三年二月周主禪位于隋隋主受冊璽改元開皇是歲隋主詔境內之民任聽出家仍令計口出錢營造經像於是時俗隨風而靡民間佛書多於六經數十百倍卽其事也碑又云粵以仁壽元年歲次辛酉發璽誥布舍利於八十州剋十月十五日同時造塔按唐沙門廣宏明集有仁壽元年六月十三日立舍利塔詔卽其事廣宏明集又云蒲州於栖巖寺起塔九月二十六日舍利在治下仁壽寺其夜堂內光明如晝二十八日

定基明日地大震山大吼巖上有鐘鼓之聲十月七日舍利將之栖巖地又動八日與登山從者千數大風從下而上因風力俄頃至於佛堂其夜浮圖上有光長數尺乍隱乍顯至於十餘瓶內亦有光五道散出還斂入瓶又有二光竝大如鉢出於西壁合爲一道流入塔基食頃乃滅俄而復出流入於堂山頂亦有大光照二百里遠望者皆言燒山九日夜又有二光繞浮圖其一流照西谷其一流照南谷十二日堂內又有光狀如香鑪流至浮圖露盤移時乃滅其夜露盤上又有光或散或聚皆似蓮華移更乃滅十三日夜浮圖上又有光如三佛像竝高尺停住者久之十四日夜有光三道從堂而出其一直上天其一流於東北其一狀如樓閣赫照州城自朔至望寺及城內常聞異

香桃李杏柰多華人采之以供養舍利入函之夜又有光再從塔出圓如大鏡諸光多紫赤而見者色狀不必同或云如大電或云如燎火其都無所見者十二三有婦人抱新死小兒來乞救護至夜便蘇遇光照以愈疾者非一諸州皆有感應而栖巖寺最多蓋由太祖武元皇帝之所建也皆與碑合碑有高祖炳靈略曜載誕馮翊云云隋書高祖紀妣呂氏以大統七年六月癸丑夜生高祖於馮翊般若寺紫氣充庭有尼來自河東謂皇妣曰此兒所從來甚異不可於俗間處之尼將高祖舍於別館躬自撫養皇妣嘗抱高祖忽見頭上角出徧體鱗起大駭墜高祖於地尼自外入見曰已驚我兒致令晚得天下棲此受禪後史官傳會之說碑所云卽其事也又咸淳臨安志云神尼舍利

塔在錢唐飛來峯頂隋文帝生於同州般若寺尼志仙謂  
太祖曰此兒佛所祐太祖委尼視育帝長尼私謂曰佛法  
暫廢賴汝而興屬周廢教尼隱帝家而卒仁壽二年遣僧  
齋神尼所囑舍利於此造塔碑云尼號智僊臨安志作志  
仙志智音近而譌隋紀尼來自河東臨安志同州般若寺  
尼後卒於帝家碑云現形讚歎言訖不見較諸史志更爲  
神異碑云皇上欽明纘歷重光紹祚定鼎卜世測圭建都  
巡游河洛式遵元扈之儀此指煬帝建洛陽爲東京及巡  
幸洛陽事隋書煬帝紀仁壽四年十一月辛未幸洛陽癸  
丑詔可於伊瀋營建東京云姬邑兩周如武王之意殷人  
五遷成湯后之業洛邑自古之都控以二河固以四塞水  
陸通貢賦等我有隋之始便欲創茲今漢王諒悖逆毒被

山東此由關河縣遠兵不赴急加以并州移戶復在河南  
周遷殷人意在於此况復南服遐遠東夏殷大因機順動  
今也其時碑所云定鼎卜世測圭建都證之詔文益見煬  
帝建洛爲京實藉控制之詞遂盤游之樂而一時文士從  
而鋪張粉飾此文亦其類也碑又云河東太守正議大夫  
陳公寶慶武元皇帝之外孫上柱國陳懿公之中子寄隆  
藩屏任屬股肱隋書寶榮定傳妻高祖姊安成長公主開  
皇六年卒贈陳國公諡曰懿子抗嗣官檢校幽州總管煬  
帝卽位漢王諒構逆以爲抗與通謀由是除名以其弟慶  
襲封陳公慶初封永富郡公官河東太守衛尉卿大業之  
末出爲南郡太守爲盜賊所害其曰武元外孫懿公中子  
以史證之悉合碑又有闕徐敏恭司功韓仁迪司戶姬君

靚司倉鄭希元司法韋修已皆可爲考晉文獻之助

銘併作收

太祖歷試建興文則忠嘗鎮此

通志金石記此碑系仁壽二年校文有皇

上重光紹祚巡游河洛文則爲煬帝卽位後事非仁壽二年無疑又碑有河東太守正議大夫云云隋書煬帝紀大業三年四月壬辰改州爲郡改上柱國已下官爲大夫百官志舊都督已上至上柱國凡十一等及八郎八尉四十三號將軍官皆罷之并省朝議大夫自一品至九品置光祿等九大夫正議正四品又煬帝罷州置郡郡置司功倉戶兵法士曹等書佐此碑所述官名郡名皆大業三年後制則此碑之立是在是年後金石錄題仁壽二年者或別一碑亦未可知又舊唐書文苑傳賀德仁越州山陰人也父朗陳散騎常侍德仁少與從兄德基俱事國子祭酒周宏

正威以詞學見稱時人語曰學行可師賀德基文質彬彬  
賀德仁德仁兄弟八人時人方之荀氏陳鄱陽王伯山爲  
會稽太守改其所居甘滂里爲高陽里德仁事陳至吳興  
王友入隋僕射楊素薦之授豫章王府記室參軍王以師  
資禮之恩遇甚厚及煬帝卽位豫章王改封齊王又授齊  
王府屬及齊王獲譴府僚皆被誅責唯德仁以忠謹免罪  
出補河東郡司法素與隱太子善及高祖平京師隱太子  
封隴西公用德仁爲隴西公友尋遷太子中舍人以衰老  
不習吏事轉太子洗馬貞觀初德仁轉趙王友無幾卒年  
七十餘有文集二十卷又按通鑑齊王暕府僚之斥在大  
業四年德仁以暕獲譴出補則碑立是年後無疑碑見金  
石錄賔字訪碑錄金石續編通志金石記

山右石刻叢編卷三